

CYFARFOD	Pwyllgor Ymgynghorol Harbwr Pwllheli
DYDDIAD	22 Mawrth 2016
TEITL	Diweddariad ar Faterion Rheolaethol yr Harbwr
AWDUR	Swyddog Morwrol a Pharciau Gwledig

1. Cyflwyniad

- 1.1** Prif swyddogaeth y Pwyllgor yw ystyried a chynghori ar faterion yn ymwneud â rheolaeth, diogelwch a datblygiad yr harbwr.
- 1.2** Pwrpas yr adroddiad yma yw cyflwyno diweddariad cryno o'r cyfnod hyd at Hydref 2015 hyd at Mawrth 2016

2. Angorfeydd Cyffredin

- 2.1** Yn dilyn trafodaeth ym mis Hydref 2015 gofynir am sylwadau'r Pwyllgor ar drefniant cynnal a chadw angorfeydd ol a blaen yn yr harbwr allannol. Amcangyfrif bydd gwir gost cynnal a chadw'r angorfeydd oddeutu 10K. Rhagwelir bydd yn bosibl angori cychod ar yr angorfeydd hyd at ddiwedd Hydref 2016.

3. Cod Diogelwch Morwrol

- 3.1** Mae copi o'r Cod Diogelwch Morwrol eisoes wedi ei ddsbarthu ac mae ar gael ar safle we Cyngor Gwynedd. Mae yn bwysig nodi fod gan y Pwyllgor y cyfle i gyflwyno sylwadau ar y Cod ac i gyflwyno sylwadau yn rheolaidd ar faterion iechyd a diogelwch yr harbwr.
- 3.2** Mae'r ddogfen yn cael ei adolygu yn rheolaidd ac fe werthfawrogir unrhyw sylwadau ar y Cod cyfredol gan Aelodau o'r Pwyllgor. Rhagwelir bydd archwiliwr o'r adran polisi Asiantaeth Gwylwyr y Glannau yn ymweld a Chyngor Gwynedd yn ystod yr Hydref er archwilio'r Cod cyfredol ac i gynghori ar unrhyw welliannau.

4. Mesuryddion Perfformiad

- 4.1** Mae'r Gwasanaeth yn gweithio tuag at datblygu Mesuryddion Perfformiad mewn perthynas â rheolaeth yr harbyrau a thraethau. Bydd drafft cychwynnol o'r mesuryddion perfformiad yn cael eu dosbarthu yn y cyfarfod er derbyn sylwadau'r Pwyllgor ar y mesuryddion.
- 4.2** Pwrpas mesuryddion o'r fath yw er mesur a monitro deilliannau'r gwasanaeth a gynigir. Wrth lunio mesuryddion o'r fath, bydd y gwasanaeth yn sicrhau fod unrhyw wybodaeth neu ddata yn gyfredol; yn berthnasol; ac yn addas a chllir i'w craffu. Mae'r Gwasanaeth wedi sicrhau Ty'r Drindod o'r bwriad i geiso cydymffurfio gyda'r gofynion pan yn bosibl.

5. Prif Faterion

5.1 Mordwyo

- 5.1.1** Cafwyd archwiliad gan Awdurdod Goleudai Ty'r Drindod ar y 24ain Chwefror 2016. Mae adroddiad Ty'r Drindod yn tynnu sylw at ddiffyg y gwasanaeth i gydymffurfio a gofynion 'Panar' ac yn tynnu sylw fod angen caniatad Ty'r Drindod cyn newid lleoliad cymhorthyddion mordwyo.

5.1.2 Nid oes Rhybudd i Forwyr mewn grym yn harbwr Pwllheli. Mae holl gymhorthion mordwyo ar eu safle priodol. Yn dilyn ymgynghoriad gyda'r Pwyllgor Harbwr ym mis Hydref 2016 cytunwyd ar leoliadau y bwiau parth Cyflymder Uchaf a chadarnhawyd bod angen parhau i gynnal bwiau ar draeth Marian y De yn 2016. Cytunwyd bod angen addasu bwiau parth cyflymder uchaf ardal Glandon er adlewyrchu'r gweithgareddau sydd yn cael eu cynnal yn yr ardal hon o harbwr Pwllheli.

5.2 Cynnal a chadw

5.2.1 Bydd y Rheolwr yr Harbwr yn cyflwyno rhaglen waith cynnal a chadw a fu i'w gweithredu yn Harbwr Pwllheli a'r Hafan yn ystod y cyfnod Ionawr – Mawrth. Gofynnir am adborth aelodau'r Pwyllgor am unrhyw waith ychwanegol bydd angen ei ystyried yn ystod tymor yr haf eleni.

5.3 Materion Staff

5.3.1 Mae trefniadau adolygol a strwythur staff harbwr Pwllheli yn parhau. Yn dilyn llwyddiant yr ad drefniant rhagwelir bydd y trefniant yn parhau at y dyfodol. Fe fydd gwybodaeth ychwanegol ynglyn a trefniant a strwythur staff yn cael ei drafod yn y cyfarfod.

5.4 Materion Eraill

5.4.1 Trefniant carthu ceg yr harbwr a lefelu gwely'r sianel – gwanwyn 2016. Mae cwch y 'Seiont ll' weid gweithio yn yr harbwr yn lefelu gwely'r sianel am 4 diwrnod. Mae cwch yr 'Afon Cefni' yn ymweld ar y 21ain Chwefror am bedwar diwrnod er carthu gwely'r sianel a mynediad i'r harbwr ymhellach.

5.4.2 Mae'r Strategaeth Carthu terfynnol ar gyfer harbwr Pwllheli wedi ei gyflwyno i'r Cyngor gan yr ymgynghorwyr. Rhagwelir bydd yn bosibl dosbarthu copïau yn y cyfarfod.

5.4.3 Cludo defnydd carthu i Carreg y Defaid. Amcangyfirf a chrynodeb bras ar y gwaith diweddar - roedd 80K tunnell dywod mewn stoc. Mae 60K tunnell wedi ei gludo i Carreg y Defaid. Mae 20K tunnell wedi ei garthu o geg yr harbwr.

5.4.4 Asesiad OPRC (cynllun atal llygredd olew)

5.4.5 Adolygu trefniant angorfeydd harbwr allanol

5.4.6 Ymgynghoriaeth Cyfoeth Naturiol Cymru ar fater cadwraeth – Atodiadau ynglwm

6. Materion Ariannol

6.1 Mae crynodeb o gyllidebau'r Harbwr a Hafan hyd at y 29ain Chwefror 2016 wedi ei gynnwys yn yr atodiadau.

6.2 Atodir gopïau ffioedd a thaliadau'r Harbwr Allanol a Hafan 2016/17 wedi eu atodi.

6.3 Yn ystod y cyfnod, bu'n ofynnol i ymrwymo adnodd cyllid ar gyfer y canlynol: -

- Cymhorthion Mordwyo a Llusernau
- Lefelu a charthu harbwr
- Cynnal a chadw angorfeydd Ardal 5 a 6
- Cynnal a chadw cyffredinnol
- Cysgodfan a Pont Droed Cei Gogledd (cyllideb 2016/17)

7. Digwyddiadau

- 7.1** Bydd rhestr digwyddiadau Plas Heli ar gyfer Haf 2016 yn cael eu dosbarthu gan gynrychiolydd Plas Heli yn y cyfarfod.

8. Materion eraill

- 8.1.1 Craen symudol-ystyried gwaredu
- 8.1.2 Llwybrau Cyhoeddus tir Hafan
- 8.1.3 Maes Parcio Traeth Glandon
- 8.1.4 Teledu Cylch Gyfyng – Mae amcan bris £2,900 wedi ei dderbyn am gamerau a sgrin newydd ar gyfer gwella diogelwch eiddo a diogelwch cychod yn yr Harbwr Allannol
- 8.1.5 Cofrestru Cychod Pwer a Badau Dwr Personol a fu yn cael eu lansio drwy drefniant cwmnïau masnachol ardal Penrhyn Glandon